

Shoqata Greikoci

Raport vjetor 2015

Kleindöttingen (Zvicërr), 10 Mars 2016

Themelimi i Shoqatës [Maj 2015]

Më 17 Maj 2015 në Spreitenbach të Aargaut zyrtarisht filloj veprimtarinë e saj Shoqata "Greikoci". Në bazë të rrethanave dhe kërkesës së mërgimtarëve të fshatit Greikoc (komuna e Therandës) është marrë vendim të formohet një shoqatë humanitare e cila synon përmirësimin e kushtëve të jetesës po në këtë fshat.

Duke marrë parasysh që shteti i ri i Kosovës i po sa formuar ka vështirësi serioze në plotësimin e kushteve primare jetesore të banorëve, mërgimtarët e Greikocit kanë marrë këtë iniciativë për t'i dalë në ndihmë fshatit të tyre në mirëmbajtjen e ambientit, infrastrukturën e fshatit, ambientet e kultit, aktivitetet sportive, ndihmë për familjet me nevojë etj. Shoqata do të funksionojë sipas statutit të bazuar në ligjin zviceran (ZGB). Kryesia e Shoqatës do të bashkëpunojë me organet zyrtare të Zvicrës dhe ato të Kosovës.

Shoqata Greikoci është komplet e pavarur dhe apolitike. Në tubimin themelues antarët e Shoqatës shfrytëzuan rastin për zgjedhur simbolin e tyre. Në vijim pasojnë aktivitetet e Shoqatës Greikoci për vitin 2015.



Pastrimi i varrezave [Qërshor - Korrik 2015]

Duke e pasur parasysh domosdoshmërinë për pastrimin e varrezave të fshatit kryesia e Shoqatës Greikoci me datën 28 Qershor mori vendim që të bëhet pastrimi i tri parë varrezave në fshatin Greikoc duke e ndaër buxhetin e duhur për të ndermarrë një akcion të tillë. Gjatë pushimeve verore antarët e kryesisë Emrush Lushaj dhe Blerim Haxhaj në mënyrë vullnetare mbikqyrën punimet për pastrim të varrezave. Punimet për pastrimin e varrezave u përfunduan gjatë muajit korrik pranë festës së Fitër Bajramit.

Ndihma për 14 familje skamnore [Korrik 2015]

Për nder të muajit të shënjtë Ramazanit dhe festës së Fitër Bajramit kryesia e shoqatës vendosi që më mjetet e saja personale të ju ndal në ndihmë 14 familjeve skamnore në fshatin Greikoc duke ju dhuruar pako ushqimore.



Nderim për Dëshmorët e fshatit dhe promovim i shoqatë në Greikoc [Gusht 2015]

Me 1 Gusht 2015 Shoqata Greikoci organizoj një tubim ku bëri promovimin e objektivave të veta dhe nderoj dëshmorët e fshatit të rënë në luftën e fundit në Kosovë në vitet 1998/1999. Ky takim u mbajt në ambientet e shkollës fillore të fshatit Greikoc ku ishin të ftuar kryetari i komunës Dr. Sali Asllanaj, kryetari i fshatit Zeqir Kurtishaj, Imami i fshatit Mr. Lulzim Susuri, familjarë të dëshmorëve, përfaqësues të subjekteve politike në nivel fshati dhe qytetar të ndryshëm. Ky manifestim u përcoll me këngë, valle dhe recitime nga nxënës të shkollës fillore të fshatit Greikoc nën menaxhimin e arsimtarit Fikret Ramaj.



Takime me përfaqësues të komunës dhe të fshatit [Gusht 2015]

Gjatë pushimeve verore në Gusht 2015 antarët e kryesisë shfrytëzuan rastin që t'i njoftojnë autoritetet e komunës dhe atyre të fshatit rreth veprimtarisë së filluar nga Shoqata Greikoci dhe diskutuan rreth bashkëpunimit të ndërsjellët në të ardhme. Takimet u zhvilluan me drejtorin e urbanizmit Kushtrim Kicaj, kryetarin e fshatit Zeqir Kurtishaj dhe me mbarë antarët e kryesisë së fshatit Greikoc.



Manifestimi për nder të ditës së flamurit [Nëntor 2015]

Para se të përfundon viti kalendarik 2015 kryesia e shoqatës Greikoci me synim që ti bashkojë mërgimtarët e Greikoci vendosi që të organizoj një manifestim për nder të ditës së flamurit i cili u mbajt me 28 Nëntor 2015 në Wettingen të Aargaut ku ishin të ftuar antarë dhe jo antarë për ta manifestuar këtë datë historike.

Në këtë manifestim morën pjesë mbi 350 shqipëtarë nga të gjitha trevat, pranishëm ishte edhe konsulli i Republikës së Kosovës në Zürich, Salih Sefa. Shoqata Greikoci në bashkëpunim me aktorin e mirënjohur, Adem Kicaj organizuan një program të pasur kulturo-artistik në të cilën morrën pjesë këngëtarë të njohur si: Naxhije Fejza, Emin Racaj, Isak Karaxha, dhe këngëtarët nga Greikoci që udhëtuan special për këtë manifestim: Naser Kicaj, Majlinda Kurtishaj, Fatmir & Hasan Kurtishaj. Në shfaqjet teatrale për Besim Ndrecajn dhe Ismail Qemajlin përformuan artistët si: Florim Kleqka, Ilimi Hajzeri, Doruntina Jahahezi dhe Adem Kicaj.

Shoqata Greikoci falenderon të gjithë pjesëmarrësit, artistët, ansamblin „Trojet“ nga Winterthuri, grupin e vallëzimit „Rinia“ nga Spreitenbach-u, që e hijeshuan me valle tradicionale shqiptare këtë manifestim.



Ndihmë për familjen Canaj [Dhjetor 2015]

Për gjestin e marrur nga Shoqata Shqiptaro-Islame Brugg AG – Zvicërr për ti dalë në ndihmë familjeve të Murat & Reshat Canaj nga fshati Greikoc duke ju ndertuar një shtëpi me kushte normale gjatë verës 2015, Shoqata Greikoci vendosi që ta ndihmojë këtë organizatë me një shumë simbolike prej CHF 1000.-. Për aksionin e ndermarur nga Shoqata Shqiptaro-Islame Brugg- AG Zvicërr në fshatin Greikoc kryesia e shoqatës Greikoci falënderon aktivistet e po kësaj organizate.

Rreth Shoqata Greikoci:

Themelimi:	17 Maj 2015
Selia:	Kleindöttingen AG – Zvicërr
Numri i antarëve:	mbi 130
Webfaqja:	www.greikoci.ch
Kontakt:	shoqata_greikoci@gmx.ch

Synimet për vitin 2016

Me rastin e përfundimit të veprimtarisë në vitin e parë kryesia e Shoqatës Greikoci falenderon të gjithë antarët dhe miqët për kontributin e dhënë në përkrahje të saj. Për vitin 2016 kryesia e shoqatës ka vendosur që të fokusohet në mirëmbajtjen e ambientit në fshatin Greikoc duke e shpallur vitin 2016 si vit të ambientit. Projektet konkrete do të pasojnë gjatë pranverës të këtij viti.